

## INFURMAZIUNS E TERMINS

Chers genituors

Darcho Als comunicchains nus gugent qualche datas chi pertuochan nossa scoula. Davart las singulas occurrenz vegnan Els orientos a temp útil.

### **Occupaziun da diversas localiteds da scoula**

Causa cha la Lia Rumauntscha festagia sieu 100avel giubileum a Zuoz, cumainzan ils preparativs per quista festa già uossa. Per quist motiv nun ans staun la sela da gimnastica e la seletta a partir dals 3-6-19 (forsa eir ün pô pü tard) a disposiziun. La magistraglia organisescha l'instrucziun da gimnastica e da musica in otras manieras, scu p. ex. gimastica our i'l liber, progets, e.u.i.

### **Marendas saunas in scoula**

Daspö ün temp do que in ögl, cha'ls iffaunts portan vi e pü marendas na taunt saunas (dutsch/grass) in scoulina e scoula. Nus Als vulezzans render attents, da spordscher marendas saunas a Lur iffaunts per piglier in scoulina/scoula, our da motivs da sandet, d'educaziun da nudrimaint e per cha lur iffaunts survegnan avuonda energia per pudair seguir l'instrucziun.

### **Ultim di da scoula**

L'ultim di da scoula, in venderdi ils 05-07-19, es obligatoric per tuot ils iffaunts da scoul'e scoulina, eir scha tenor l'urari da classa reguler vessane liber. Scu minch'an do que ün program speciel per quist di.

### **Constituziun dal cussagl da scoula**

Il cussagl da la scoula primara Zuoz/Madulain as constituescha per l'an scolastic 2019/20 seguintamaing :

President :	sar Romeo Cusini
Commember da Zuoz:	sar Roman Grossrieder
Commember da Madulain :	sar Flurin Schur

Amiaivels salüds  
i'l nom da la magistraglia  
Vanessa Roost - Monatsberger